

کتابخانه عمومی به وقف ایدم

کتابخانه عمومی به وقف ایدم

کتابخانه عمومی به وقف ایدم



بِسْمِ اللَّهِ الرَّحْمَنِ الرَّحِيمِ

الحمد لله الجلیل: الذی رضی عن یدعو الناس الی سواء السبیل:
وَأَصْلُوهُ وَالسَّلَامُ عَلٰی نَبِیِّ الْمَلِکِ الْجَمِیل: الذی دعی الناس الی سواء
السبیل: وعلی الله واصحابه الذین دعوا الناس الی سواء
السبیل: بعد ذلک اصحاب کف امان کروح نقشبندیہ نک مانند
قطبر حقیری ولان فقیر بر تقصیر الحاج محمد فوزی لاجل الزیارة
تدریسگاه فقیری بولنان محروسه ادرنه دارالمیمنه دن
مدینه قلبه یمه سوق سمند عزمیت برله مدینه مزبوره ده واقع
شهاب الدین ولی پاشا علیه رحمة من یفعل ما یشا حضر تدرینک
مدرسه سی مدرسی و طریقت کزیده خالیدیہ نقشبندیہ نک

خلفاء کرام و مرشدان دارالسلامند بولنان استاذ بزرگوار
 و مرشد مطلق کرامتکفشارم رشاد تلوالحاج علی افند خواجه
 افندیمز حضرت تلمینک زیب غبار پای رشاد تلمیله زیوریاب
 اولد یغده اکثر کبار علماء کرامک حرزالامان و حصن الحصین
 اتخادیلله انتساب بیورد قلمی طریقت سنیّه ضائیّه
 نقشبندیّه و کافه طرق سائره ده باب ذکر شریفک اکدا دابی
 بولنان و منشأ فیض عداولنان رابطه شریفه ئی پت خبیث
 و اهل رابطه پت پرست و مشرک بالله اولد قلمی جزماید رک
 برذاتک رساله قلمی بر صحیفه ده الله ذوالجلال و الصحیفه
 کمسه یه کوستر مسون تصریح ایتمه سی نظر رسیده چاکرانم
 اولد قده هر نقد ربو فقیر اجهل الناسک عقل سقیم مذنبانه
 او و جهله اولان انجه اشلی احاطه ایتمز ایسه ده بوماده
 بدیهیه یعنی اهل ذکر و توحید تکفیر خطاء عظیم و جرم جسیم
 اولد یعنی اهل انصاف نزدنده اظهر من شمس السماء فی وقت الضمی
 اولسیله خواجکان کرام نقشبندیّه قدس الله اسرارهم التسنیه نک

روحا نیتلرندن بالاستغاضه بعض مرتبه جمله نك معلومى ولان
 الفاظ مشهوره نك سلك تحريره نظم وكشیده اولمه سنى حفظنا الله
 تعالى ینجرون بشعر واحد مقوله سى بولنان عوام كاهوم اورسا
 باطله به باقوبله تكفير مسلمان ایتسونلر رجاء عاجزانه سیله با امر
 مشار الیه اجتناسار ایلدر واسمى عین الحقیقه فی رابطة الطریقه
 تسمیه ایلدر والله الهادی الى سواء السبیل :: قوله الحمد لله الذ جعل
 شریعته وسیله للنافع الدنیویة والاخریة انتهى او تكفير
 اهل توحید ایدن ذاتك شو وجهله محمود علیه اتخاذ ایلدیكى
 دعوا سى حقدروا اعتقادہ احقدرا انكار ایدن كافر مطلقدر
 زیرا شریعت محمدیه منافع دنیویة واخریة به وسیله اولدیغی
 ادله نقلیه وعقلیه ایلده ثابتدر قوله والصلوة والسلام على
 رسوله محمد الذى طهرامته ببيان الشریعة عن الاشراك الظاهرية
 والخفية انتهى ودخی بواسلوب ایلده اداء صلوة وسلام
 ایتمه سى محلنده درا کر مرادى خواجة عالم صلی الله تعالى علیه
 وسلم افندیمر جضرتلری شریعت غراء زهراء محمدیه سنك

حضرت مولینک ذات انجل واعلی وصفات علیا سنده شریک
 ونظیری وارد رد یہ رک اشراک ظاہری یتیمک العیاذ باللہ کفر
 محض وعبادتندہ ریاء للناس عمل یتیمک قباحت عظیمہ وشرک
 خفی اولد یغنی بیان بیورہ رقا امت مرحومہ سنی تطہیر بیورہ
 دیمک ایسہ والا اگر شرک خفیدن بر مرید مخلص مرشد مطلق
 اولان شیخ کاملہ انتساب و رابطہ ایدوب اول شیخی حضرت
 اللہ ذوالجلالک ذکر شریفی و معرفت الہیہ سنہ وسیلہ
 حسنہ و ذریعہ مستحسنہ اتخاذ ایلد یکنی مراد ایدرا یسہ
 حاشائہ حاشا رسول اکرم و ہادی مصلی اللہ علیہ وسلم
 افندیمز حضرت تلمینہ افک و افترا یتمش اولور زیر حضرت
 صاحب رسالت علیہ افضل التحیۃ افندیمز شریعت مطہرہ
 سنی بیان بیور را یکن استعید باللہ وما ینطق عن الہوی
 ان ہوا لا وحی یوحی قول کریر ربانینک شہادتیلہ ذرہ واری
 وشمہ مقداری حضرت مولای معالک امر شریفنک خلافہ
 هیچ برکلام بیور ما مشدر مع هذا امریک شیخ کاملہ اولان

رابطه سندن منع ایتماک جناب کبریا نیک استعید بالله
 وابتغوا الیه الوسيلة قول شریفه مخالفدر قوله وعلی آله
 واصحابه المنزهین عن الاتباع بما لا یوجد فی الدین الاظهر من
 الشیر
 من الامور البدعیة انتهی وبودخی جای مناسبتده در اگر
 امور بدعیه ایله مرادی رابطه شریفه قدیمه غیر بدعیه دکل
 ائسه والا ایکی وجهدن خطا ایتماک ولور اوله رابطه شریفه
 بدعت عدا ایتمه سی زیر ابور رابطه شریفه مرید مخلص لک کسب
 معرفت الهیه ایچون شیخ کا ملک روحا نیتندن استفاضه
 ایتمه سی وشیخ کا ملک دخی اول مرید مستفیضه امداد روحانی
 و تصرف نورانی ایتمسید ربو ائسه کتب تفاسیر واحادیث
 مسطورا و لمغله برحالت قدیمه غیر بدعیه در از جمله حضرت
 یوسف علیه سلام الملك المنزه عن الآلام والتأسف حضرت تلزیک
 حق والا لرنک استعید بالله لولا ان رأی برهان ربّه قول
 شریف الهی نیک تفسیرنده علامه زحشری بیور که حضرت یوسف
 علیه السلام اضمیر مؤنث زلیخایه راجع اوله رف

ایاک وایاها دیو بر صدا اشتدی ایسه ینه اعتماد ایتمدی و ثابا
 اشتدی ایسه ینه اعتماد ایتمدی و ثالثا اشتدی ایسه ینه اعتماد
 ایتمدی بعده حضرت یعقوب علیه السلام الوهاب لکل
 موهوب حضرت تهرینک صورتی بر روایتده مبارک بار مقلرتیک
 اوجینی عضایده رک و بر روایتده مبارک دست شریف لرله
 حضرت یوسف علیه السلام مک سینۀ شریفه لرینه ضرب
 ایده رک ظهرا یتمکله حضرت یوسف علیه السلام مرشدک
 ایدوب تصرف روحانی و امداد نورانی بیورش اولدی
 و ثانی اول مراد مذکور باطل اوزره اصحاب کزینیه افترا
 ایتمش اولور زیرا بورا بطه شریفه دیدیکمز بالمغنی الآخر
 اول شیخ کا ملده فنا فی الوسيله مرتبه سنه و بعد اول
 فنا فی الوسيله سببيله فنا فی الله مرتبه سنه و اصل
 اول مقدر بو ایسه اصحاب کزین رضوان الله علیهم اجمعین
 حضراتنک جمله سنه و اقدر زیرا ویله اولما مش اولسه
 کتب کلامیه ده موجود اولان بیضا الصحابی من رأى التبی آمن

ديه رك صحابینك تعریفی اوزر لرینه جمله شروط طيله
 صادق اولما مش اولور از جمله ترجمان القرآن عبدالله
 بن عباس رضی عنهما ربنا لناس افندیمر برکیجه عالم مناملرند
 ازواج طاهرات ام المؤمنین والمؤمنات افندیلر میزدن
 برینك خانه شریفه عضتینا هیلرینی تشریف بیوردیلر ایسه
 اول زوجه پاك رسول الله حضرت پیغمبر افندیمرك مبارك آینه
 شریفلرینی چیقاروب ابن عباس حضرت لرینه ویردیلر و اول مرأت
 محمدیه ده ابن عباس حضرت لری عاده مخالف اوله رق کندی
 صورت وهبولاسنی کور میوب مرأت معرفه الله اولان حضرت
 پیغمبر ذیشان افندیمرك جمال انور لرینی مشاهده بیوردیلر
 اشته بوسرفنا فی الوسيله مرتبه سید ربی ایدم اصحاب
 کزینده رابطه وارمی ایمش یوخسه یوقی ایمش بویحی مراد
 ایدن امام سیوطینك تنویر الفلک فی رؤیه الشی والمملک
 اسمیله مسماة اولان رساله سنی وابن حجر عسقلانینك شرح
 شما لئنك آخرینی مطالعه ایلسون قوله اخذنا من القرآن اما

بعد فان الدين عند الله الاسلام ومن يدتغ غير الاسلام
 دينا فلن يقبل منه وهو في الآخرة من الخاسرين :: ومن الناس
 من يتخذ من دون الله اندادا يحبونهم كحب الله :: والى الله تصير
 الامور انتهى :: حضرت الله ذوالجلال قول كريم الهيسند
 صادق قدر واقعا بر آدم دين اسلامك ماعداسى بردين آخر اتخاذ
 ايتمش اولسه ووز آخرتده خاسريندن اولور وكذلك جناب
 مولاي متعالك دوننده پوتلر اتخاذ ايدوب اول پوتلر جناب
 مولايه محبت اتيكي كى محبت وعبادت ايلسه كافر بالله
 اولور بونده شك وخلاف يوقدر اصلا آنجه بوذاتك اشبو
 آيت كريمه دن شو محله ايراد ايلديكي مرادى مراد حق دكلدر
 زيرا بورا بطه شريفه دين اسلامك ماعداسى دكلدر بلكه
 وسيله حسنه كماليدر زيرا ايمان واسلام قلبايله بلنوب و
 ايله اقرار ايدوب موجب مقتضا سنجه او امر الهيه به امثال
 ونواهي صمدانيه دن اجتنابدر بوايلسه داعى الى الله اولان شيخ
 كامله رابطه ايدن مرید مخلصه كاملا حاصل اولديغى مرات

هدايت الهييه به نظر معان ايله عطف نگاه ايدن اهل معرفته منجليده
 وكذلك رابطه شريفه انداد دن معدوده دكلدر زير انداد تماثيل
 معناسته دراييمك او تماثيلي كننديد لريله مالا يضر ولا ينفع مقوله^{سم}
 والهم ارجل يمشون بها ايله موصوف اولان اشجار و احجار و غيرها^{دن}
 يا يوب ليس كمثله شئ ولم يكن له كفوا احد ولا تدركه الابصار
 وهو يدرك الابصار اولان معبود واحد مطلقك دونند عبادت
 باطله عاطله ضايعه ايدن كفار خاكسار خذلهم القهار اتخذ ايتمشلر^{در}
 يوخسه حاشا ثم حاشا حضرت اللهه فناء كلي بولماغه مرشدكاملره
 رابطه شريفه ايدن ذاكرين و موحدين و عاشقين صادقين او تماثيلي
 اتخذ ايتما مشلر در بلكه اتخذ ايتمشلر در ديه رك ادعاء باطل ايد اهل
 غفلت كيم ايسه بلمر ياب من كفر المسلم فقد كفر تحتته دخول ايتمش
 اولور قوله اخذ من الحديث و شر الامور محدثاتها و كل محدثة بدعة
 و كل بدعة ضلالة ولا يقبل الله لصاحب البدعة صوما ولا حججا ولا عمره
 ولا جهادا ولا صرفا ولا عدلا يخرج من الاسلام كما يخرج الشعر من العجين
 و خيرا القرون قرني الذي نافيته ثم الذين يلونهم ثم نفسوا الكذب فلا

نَعْبُدُ وَأَتَّبِعُ حَضْرَتَ رَسُولِ اللَّهِ صَلَّى اللَّهُ تَعَالَى عَلَيْهِ وَسَلَّمَ أَفَنَعِزُّ قَوْلَ شَرِيفِ
 مُحَمَّدٍ لِرَبِّكَ صَادِقٍ لَكِنْ أَهْلُ بَدْعَتِكَ مُرَادُكَ كَلَامِيَّةٌ مُفْصَلًا ذَكَرُوا لَنَا نَافِقُ
 ضَالَّهِ دَرِيُوخْسَه أَهْلُ طَرِيقَتِ مُحَمَّدِيَه أَهْلُ بَدْعَتِ دَكَلَرِ چُونَكِه أَهْلُ طَرِيقَتِ أَهْلُ
 ذَكَرُوا لَقَرِ جَهَنَّمَ أَهْلُ بَدْعَتِكَ مَعْدُودًا وَلَدِيلِرْدِيمِش وَلِسَك حَاشَا ذَكَرَايَتِ وَحَدِّثِ
 اِيلَه مَأْمُورِ بِه بِرَكِيفِيَّتِ اُولْمَغْلَه بَدْعَتِ دَكَلَرِ وَاكْرَا أَهْلُ رَابِطَه
 اُولَدِ قَلَرِي جَهَنَّمَ أَهْلُ بَدْعَتِكَ اُولَدِيلِرْدِيمِش وَلِسَك حَاشَا رَابِطَه
 شَرِيفَه كَذَلِكَ آيَتِ وَحَدِيثِ وَأَثَارِ وَاجْمَاعِ أَهْلِ اللَّهِ اِيلَه ثَابِتَه اُولْمَغْلَه
 بَدْعَتِ دَكَلَرِ وَكَذَلِكَ خَيْرُ الْقُرُونِ قَرْنُ رَسُولِ اللَّهِ اُولَدِغِي صُورَتِ
 قَرْنِ رَسُولِ اللَّهِ بِاجْمَعِهِمْ أَهْلُ رَابِطَه اُولَدِ قَلَرِي ذَرَّةً مِنْ آلِ شَمْسِ وَفَطْرَةٍ
 مِنْ الْجَبَرِ بِالْإِلَادَةِ بَيَانِ قَلَمِشِ اَيْدِيكَ وَكَذَلِكَ كَذِبُ بَدْنِ مُرَادِ قَوْلِ أَهْلِ بَدْعَتِكَ
 وَكَذَلِكَ فِتْنَةُ الدَّجَالِ دَرِيُوخْسَه حَضْرَتِ مَعْبُودِ حَقِّ وَمَذْكُورِ مُطْلَقِ
 اُولَانِ اللَّهُ ذَوُ الْجَلَالِ قَوْلُ لَرِيْنِه مَعْرِفَتِ الْهَيْئَةِ نَكِ طَرِيقِنِي اِرَائِه
 اَيْدِنِ وَمِيزَانِ قُلُوبِنِ مَرِيدَانِكَ مَجْرَايِ قُلُوبِنِه ذَلَالِ فَيْضِ الْهَيْئَةِ اِقَا
 اَيْدِنِ مَرِشْدِ كَامِلِه اُولَانِ رَابِطَه صَادِقَه وَابْتِغَاءِ وَسِيلَه كَذِبِ دَكَلَرِ
 قَوْلِه اِي بَرَادِ طَرِيقَتِ وَحَقِيقَتِ وَمَعْرِفَتِ دَخَلِ اُولِنَا زَبُوفَقِيرِكَ دَخَلِ

ایلدیکي طریقته منشأ فیض عداولان و رابطه شریفه ستمیه
 قلنان حالت پت شریف دیمک و شیطانی و شرک خلا فی و شرک
 مقوله سی برکیفیت رانتهی بوذاتک طریقت دخل و نماز دیو
 ینه رابطه شریفه بی دخل ایله سی عین طریقت و حقیقت و معرفت
 انکار در زیر بر شیشک مایتم به الشی اولان رکن اعظمی انکار
 ایتمک او شیشک ارکان سائره سنی انکار در مثلاً صلوٰه مفروضه
 اوقات معلومه ده ارکان مخصوصه دن عبارت اولدینقی تقدیر
 برآمد نماز انکار اول نماز اما نماز ده کی قیام لا اصل له دیمش
 اولسه نفس صلب صلوٰی انکار ایش اولور و کذلک بورابطه
 شریفه دیدیکمز مریدک حالت ذکرند صلوٰتک قیامی کبیر
 یعنی قیام صلوٰتک رکن اعظمی اولدینقی کج رابطه شریفه ده ذکر
 رکن اعظمی ربوت تقدیرجه رابطه مذکوره بی انکار ایدن مبدأ
 حقیقت و معرفت اولان نفس طریقت علیه بی بالکلیه انکار ایدو
 مرده عن ابواب عالیة جمیع اهل الله اولمش اولور اعوذ بالله تعالی
 من ان اضلّ و اضلّ و هدی حاشا ثم حاشا بورابطه شریفه دیدیکمز

حالت پت خبیث دیمک دکلد رزیرایت خبیثه عبادت باطله
 عاطله ضایعه ایدن کفار خاکسار حشر تکرارک نه وجهله عبادتلی
 ونه وجهله اعتقاد باطل ایدوبیا ولوجهدن کافر بالله اولدقل محلات
 کثیره ده بیان اولمشدر وجهله نک معلومید راز جمله قاضی بیضاوی
 علیه رحمة الهادی حضرت تلمینک استعید بالله یعملون له مایشامن
 محاریب و تمایل آیه کریمه سنک تفسیرند و بعض تفاسیر سائره
 بیان بیورلمسندن فهم اولند یغنه کوره انبیاء متقدمین علیهم صلوات
 الملك المعین حضراتنک بعضیلمینک شریعتلرنک انبیاء عظام
 کدشتکان علی نبینا وعلیهم سلام الملك المنان حضراتنک صورتلرنی
 جامعلرنیه یا یوب مثلاً شونبی ذی شان جناب معبود مطلقه شو
 وجهله عبادت بلیغه ایتمک ایله نیجه زحمتلر چکشلر بزدخی ولوجهله
 معبود مطلق واحد اولان حضرت مولایه سعی بلیغ ایدوب عبادت
 ایدک لردیه رک تذکره عبادت الهیه اتخاذ ایدرلر ایش بعده بعض
 جمله قوم بوملا خطه یی ترک ایله بزه بوضنملر روز قیامت شفا
 ایلسونلردیه رک تعظیم و تکریم ایدوب شفیع فی الله اتخاذ ایتمک

باشله مشر بعده جمالت دها مشتده اولوب اول ملاحظه اولی
 وثانیه لغو اولوب حاشا شمش حاشا اول صنمرو وثنلری معبود من
 دون الله اتخذا یتملریله حضرت معبود و واحد مطلق لا شریک له
 یه شرک جلی اثبات یتمش اولوب کافر بالله اولمش امام مرید
 رابطه شیخ کامل مجنون بله اولسه معبود اتخذا یتیموب بلکه
 کیفیت وصلتی ارئه ایدیچی بر رهنما بله سیله پت پرست اولوب
 عین خدا پرست اولمش اولور چونکه بوشیخ کامل فانی فی الله رابطه
 ایدن مرید مخلص عین ظاهر نمازده بر ذاب قارئ امام اتخدا یدوب
 واکا اقتدا یدوب حضرت الله ایاک نعبد و ایاک نستعین دیر
 تخصیص بالعبادة والعبودية ایدوب داء صلوٰة مفروضه ایتک ایله منفرد
 اولدیغی حالده قلذیغی نمازدن یتتنه و اخلاصنه کوره فرسخ بفرسخ والله
 بضاعف لمن یشاء جانبنه قطع مسافرله اضعاف و مضاعف زیاده ثوابه
 و حضوره و خشوعه و اصل و نائل اولمه سی کبید رو کذلک مرید شیخ کامله
 اولان رابطه سی کعبه تجلی الهی و مظهر تسلی پروردکاری اولان روی قلبی
 توجه الی الله ایتدر مکن حجاج کرام بیت اللهک و زوار فحارم روضه رسول اللهک